



Laa ullaaha illa Allaah= soab sēn na n tū sīd-sīd ka be, sā n pa Wēnd ye, wūbd be ne laarab-rāmb ne yel-wēng sēn kolge, b paka a Yaaguug la a Maaguug gūdrā rūndā wala wāndū

Yii a Zaynab Bint Ĝahš nengē (Wēnd yard be a yīnga) tū ad Nabiyaamā (Wēnd puusg la A tūlgr be a yīnga) kēe a nengē t'a yaa sēn digmsi, n yetē: «Laa ullaaha illa Allaah= soab sēn na n tū sīd-sīd ka be, sā n pa Wēnd ye, wūbd be ne laarab-rāmb ne yel-wēng sēn kolge, b paka a Yaaguug la a Maaguug gūdrā rūndā wala wāndū». La a gilg a nu-bi-raoogā ne a nug-bi-tēesdgā sēn yēg-a wā, t'a Zaynab Bint Ĝahš yeele: Wēnd Tēn-tūvumā: b na n halka tōndo, tū nin-sōma yaool n be tōnd sūkā? T'a yeele: «N-yee tū yel-wēnā sā n wūsge».

[Naşun Şahūhūn (Gom-sikdem sēn manege)] [B zemsa taab a zugu (A Al-Buhaariy la a Muslim n reeg-a)]

Nabiyaamā (Wēnd puusg la A tūlgr be a yīnga) a kēe a Zaynab Bint Ĝahš nengē (Wēnd yard be a yīnga) ne yūgr la yēesgo, n yeele: Laa ullaaha illa Allaah= soab sēn na n tū sīd-sīd ka be, sā n pa Wēnde. Tū yaa sēn yēesd yel-wēng yūbo, pōs n yi-a ka be, rēnda ne lebs-m-meng Wēnd nengē (A Naam yūlg yā), rē poorē tū (Wēnd puusg la A tūlgr be a yīnga) yeele: Wūbd be ne laarab-rāmbā ne yel-wēng sēn kolge, b paka a Yaaguug la a Maaguug gūdrā rūndā, la yēnda yaa kogr ning a Zulkarnayn sēn me wā, wala woto, la a maan gilg a nug-bi-raoogā ne a nug-bi-tēesdgā sēn pugd-a wā, La a Zaynab Bint Ĝahš yeel yā (Wēnd yard be a yīnga): yita a wāna tū Wēnd ruug tōnd halkre, tū mik tū muumin-rāmb la nin-sōma bee tōnd sūka? Tū Nabiyaamā yeel-a (Wēnd puusg la A tūlgr be a yīnga): Wēngā la dīin-yiirā la sāangā la Wēnkūsgā la yoobā la rāamā yūub la zēng sēn ka rēnda sā n wūsge, rēnd halkrā na n gūbga nebā gilli.

<https://sunnah.global/hadeeth/mos/show/3145>